

ՀԱՇՎԵՏՎՈՒԹՅՈՒՆ

ՀՀ ԱՆ պրորազիայի ծառայության կողմից 2019 թվականի առաջին եռամսյակի ընթացքում կատարած աշխատանքների վերաբերյալ

1. Պրորազիայի շահառուների վերասոցիալականացման և հասարակություն վերահնդեգրման նպատակով իրականացվել են հետևյալ միջոցառումները՝

1. 2019 թվականի առաջին եռամսյակի ընթացքում ՀՀ արդարադատության նախարարի 05.02.2019թ. N 32-Ա հրամանով հաստատված «Իրավախախտում կատարած անձանց գեղագիտական դաստիարակություն և կրթություն» ծրագրով վերապատրաստվել են **6 շահառու**՝ անգլերեն (2), համակարգչային դասընթացներ (2) և բիզնեսի գրագիտություն (2):

2. 2019 թվականի առաջին եռամսյակի ընթացքում **130 շահառու** մասնակցել են վերասոցիալականացման և հասարակություն վերահնդեգրման ծրագրերին, որից

➤ Մշակութային միջոցառումներին մասնակցել է **38 շահառու** (Սյունիք-20, Լոռի-12, Երևան-6), մասնավորապես՝

- 1) 20.02.2019թ. Սյունիքի մարզային բաժնում հաշվառված **12** շահառուներ այցելել են Ակսել Բակունցի տուն-թանգարան:
- 2) 20.02.2019թ. Լոռու մարզային բաժնում հաշվառված **12** շահառուները դիտել են «Չառլի մորաքույրը» թատերական ներկայացումը:
- 3) 08.03.2019թ. Սյունիքի մարզային բաժնում հաշվառված **8** շահառուները և նրանց ընտանիքի անդամները ներկա են գտնվել կանանց տոնին նվիրված տոնական համերգին:
- 4) 10.03.2019թ. Երևան քաղաքային բաժնում հաշվառված թվով **6** կին շահառուներ ներկա են գտնվել կանանց տոնին և Հ.Թումանյանի 150-ամյակին նվիրված Հայաստանի պարի պետական անսամբլի համերգ երեկոյին:

➤ Մարզական միջոցառումներին մասնակցել է **21 շահառու** (Երևան-20, Լոռի-1), մասնավորապես՝

- 1) 18.02.2019թ. Լոռու մարզային բաժնում վերահսկողությամբ հաշվառված անչափահաս **1** շահառու ընդգրկվել է ծանրամարտի խմբակում:
- 2) 26.03.2019թ. ՀՀ ԱՆ պրորազիայի ծառայությունում հաշվառված **20** շահառուներ հետևել են ֆուտբոլի Եվրոպայի 2020 թվականի առաջնության ընտրական փուլի Հայաստան-Ֆինլանդիա հանդիպմանը:

➤ Եկեղեցի այցելություն՝ **28 շահառու** (Գեղարքունիք- 17, Արարատ-11), մասնավորապես՝

- 1) 25.02.2019թ. Գեղարքունիքի մարզային բաժնում հաշվառված **17** շահառուներ այցելել են Սևան քաղաքի Սուրբ Հրեշտակապետաց եկեղեցի և մասնակցել պատարագի արարողությանը:
- 2) 29.03.2019թ. Արարատի բաժնում հաշվառված թվով **11** շահառուներ այցելել են Խոր Վիրապի վանք:

➤ 23.03.2019թ. կազմակերպված համապետական շաբաթօրյակին մասնակցել է **43 շահառու** (Արարատ-13, Գեղարքունիք- 10, Սյունիք -10, Լոռի-7, Վայոց Ձոր-3)

2. Համագործակցության հուշագրերի ստորագրում

- 1) 18.03.2019թ. ՀՀ Շիրակի մարզպետ Տիգրան Պետրոսյանի և ՀՀ ԱՆ պրոբացիայի ծառայության Շիրակի մարզային բաժնի պետ Զորակ Խաչատրյանի միջև կնքվել է համագործակցության հուշագիր: Հուշագրով Շիրակի մարզպետարանն ու պրոբացիայի ծառայության Շիրակի մարզային բաժինը պարտավորվում են համագործակցել անչափահասների հիմնախնդիրների լուծման հարցում:
- 2) 19.03.2019թ. ՀՀ արդարադատության նախարարության պրոբացիայի ծառայության և Հայաստանի ֆուտբոլի ֆեդերացիայի միջև ստորագրվել է համագործակցության հուշագիր: Հուշագրի շրջանակում Հայաստանի ֆուտբոլի ֆեդերացիան Պրոբացիայի ծառայությունում հաշվառված 20 երիտասարդների հնարավորություն կրնձեռի ներկա գտնվելու Եվրո-2020-ի ընտրական փուլի Հայաստանի ազգային հավաքականի բոլոր տնային հանդիպումներին:

3. Միջազգային փորձի փոխանակում

- 1) 25.03.2019թ. և 26.03.2019թ. ՀՀ ԱՆ պրոբացիայի ծառայության աշխատակիցներն աշխատանքային գործնական հանդիպումներ են ունեցել Նիդերլանդական Հելսինկյան կոմիտեի փորձագետներ Լեո Տիգեսի և Սթեֆան Պիթսի հետ: Հանդիպման նպատակն էր պատիժը կրելուց պայմանական վաղաժամկետ ազատման գործընթացում փորձի փոխանակումը, առկա խնդիրների և դրանց լուծումները գտնելու հարցերի քննարկումը:
- 2) 27.03.2019թ. կայացել է «Աջակցություն պրոբացիային» ազգային ցանցի հանդիպում-քննարկումը՝ պրոբացիայի ինստիտուտի կայացմանն ուղղված պետական ռազմավարական ծրագրի վերաբերյալ, որին մասնակցել են ոլորտում մասնագիտացած ՀԿ-ների ներկայացուցիչներ, ինչպես նաև Նիդերլանդների հելսինկյան կոմիտեի ներկայացուցիչներ Լեո Տիգեսը և Սթիվեն Պիթսը:

4. Աշխատանքային հանդիպումներ

- 1) 13.02.2019թ. կայացած ՀՀ ԱՆ պրոբացիայի ծառայության Լոռու մարզային բաժնի և Վանաձորի սոցիալական աջակցության տարածքային բաժնի միջև կայացած հանդիպման ընթացքում քննարկվել են պրոբացիայի շահառուների կարիքների գնահատման, սոցիալական աջակցությանը վերաբերող հարցեր, ինչպես նաև պայմանավորվածություն է ձեռք բերվել երկու կառույցների հետագա համագործակցության և փորձի փոխանակման համար:
- 2) 15.02.2019 թ. ՀՀ ԱՆ պրոբացիայի ծառայության Վայոց Ձորի մարզային բաժնի կողմից «ԱՇԽԱՏԱՆՔ և ՀԱՅՐԵՆԻՔ» ՀԿ-ի հետ համագործակցությամբ «Վայք Ինֆոտուն» ծրագրի աջակցությամբ Վայոց Ձորում գործող լրատվամիջոցների ներկայացուցիչների հետ կազմակերպվել էր հանդիպում՝ պրոբացիայի ծառայության աշխատանքի լուսաբանման և հասարակության մեջ ճանաչելիության բարձրացմանն ուղղված միջոցառումների համատեղ մշակման և այդ ուղղությամբ իրականացվելիք աշխատանքների կազմակերպումը քննարկելու նպատակով:
- 3) 21.02.2019թ. ՀՀ ԱՆ պրոբացիայի ծառայության կենտրոնական մարմնի բաժնի պետերը մասնակցել են ՀՀ արդարադատության նախարարությունում հասարակական կազմակերպությունների ներկայացուցիչների հետ կազմակերպված քրեակատարողական համակարգում իրավիճակի բարելավման ռազմավարության և դրա իրականացման միջոցառումների ծրագրի նախագծի քննարկմանը:

- 4) 27.02.2019թ. «Աջակցություն պրոբացիային» ազգային ցանցի (Ցանց) անդամների հետ կայացած հանդիպման ընթացքում քննարկվել են պրոբացիայի ծառայության՝ Ցանցի կողմից իրականացվող մշտադիտարկման ընթացքը, պայմանական վաղաժամկետ ազատման գործընթացին առընչվող խնդիրներ, ինչպես նաև Ցանցի և ՀՀ արդարադատության նախարարության համագործակցության այլ գործնական հարցեր:
- 5) 28.03.2019թ. ՀՀ ԱՆ պրոբացիայի ծառայության Լոռու մարզային բաժնի և Սոցիալական աջակցության Վանաձորի տարածքային կենտրոնի հետ համատեղ կազմակերպվել էր հանդիպում-քննարկում Պրոբացիայի ծառայության Լոռու մարզային բաժնում հաշվառված պրոբացիայի անչափահաս շահառուների վերասոցիալականացմանն ուղղված ծրագրերի իրականացման շրջանակներում շահագրգիռ կազմակերպությունների հետ հետագա համագործակցության հարցերի շուրջ:

5. Ընթացիկ աշխատանքներ

ՀՀ ԱՆ պրոբացիայի ծառայությունում մշտապես ստացվում են դատարանի դատավճիռներ, որոշումներ, որոնց հիման վրա դատապարտյալները հաշվառվում են ծառայությունում, հանվում են ծառայության հաշվառումից: Նրանց վերաբերյալ կազմվում և արխիվացվում են անձնական գործեր:

Ծառայության աշխատակիցները մասնակցում են դատարան ներկայացված միջնորդությունների քննություններին, այցելություններ են կատարում դատապարտյալների բնակության և հանրային աշխատանքների կատարման վայրեր:

- Ծառայությունում 2019թ-ի առաջին եռամսյակի ընթացքում հաշվառվել է **2473** շահառու, որոնցից **200-ը** կանայք են, **25-ը** անչափահաս, իսկ **15-ը** օտարերկրյա քաղաքացիներ: Նրանց նկատմամբ նշանակվել է **1115** պատիժ, **1469** վերահսկողություն, ընդ որում **111** շահառու ունի կրկնակի պատիժ և վերահսկողություն:
- 2019թ-ի առաջին եռամսյակի ընթացքում ՀՀ ԱՆ քրեակատարողական հիմնարկներից ստացվել է զեկույց տրամադրելու վերաբերյալ **717** ծանուցում, որոնցից **25-ը** կանայք են: ՀՀ ԱՆ պրոբացիայի ծառայության աշխատակիցները կազմել և քրեակատարողական հիմնարկներին է տրամադրել **532** զեկույց (150-ը դրական, 382-ը բացասական):
- Ծառայությունում 2019թ.-ի առաջին եռամսյակի ընթացքում արխիվացվել է **1188** անձնական գործ, որից **67** զեկույց, ընթացքի մեջ է **2002** անձնական գործ, որից **650** զեկույց:
- ՀՀ ԱՆ պրոբացիայի ծառայությունում 15.04.2019թ.-ի դրությամբ «Էրեբունի-Երևանի հիմնադրման 2800-ամյակի և Հայաստանի առաջին հանրապետության անկախության հռչակման 100-ամյակի կապակցությամբ քրեական գործերով համաներում հայտարարելու մասին» ՀՀ 01.11.2018թ. օրենքը կիրառվել է **2655** շահառուի նկատմամբ, որից **943-ը** 2019թ-ի առաջին եռամսյակի ընթացքում:

ՀՀ ԱՆ պրոբացիայի ծառայություն